

Uunga siunnersuut:**Meeqqanut tapiissutit pillugit Inatsisartut inatsisaannik, utoqqalinersiat pillugit Inatsisartut inatsisaannik, siusinaartumik pensionisiat pillugit Inatsisartut inatsisaannik, atuartunut tapiisarneq pillugu Inatsisartut inatsisaannik aamma ilinniagaqarnersiutit pillugit Inatsisartut inatsisaannik allannguinerit pillugit Inatsisartut inatsisaat**

(Akissarsiakinnernik eqimattanut meeqqanut tapiissutinik aamma meeqqanut tapinik kiisalu ilassutitut tapinik ataatsimuulersitsineq)

§ 1

Meeqqanut tapiissutit pillugit Inatsisartut inatsisaat nr. 9, 7. december 2009-imeersumi, meeqqanut tapiissutit pillugit Inatsisartut inatsisaannik allannguneq pillugu Inatsisartut inatsisaannik nr. 7, 27. november 2018-imeersumik allanngortinneqartumi, tulliuttut allannguutigittinneqarput:

1. § 4 imatut allanneqarpoq:

” § 4. Meeqqap pilersuisuanut, meeqqanut tapiissutit annerpaaffiata annertussusai, ukiumut ima annertussuseqarput:

- 1) meeqqami ataatsimi 20.400 kr.,
- 2) meeqqani marlunni 36.984 kr.,
- 3) meeqqani pingasuni 48.291 kr.
- 4) meeqqani sisamani 59.588 kr.
- 5) meeqqani tallimani 68.881 kr., aamma
- 6) meeqqani arfinilinni amerlanerusuniluunniit 77.774 kr.

Imm. 2. Imm. 1-i malillugu meeqqanut tapiissutit, isertitaqqortusiartorneq peqatigalugu titarneq narlusuutut annikilliaartuaartinneqartassapput. Meeqqanut tapiissutit annikilliaartuaartinneqartarnissaat, maannakkorppiaq katillugit 136.000 kr.-inik aningaasarsiaqarnermi aallarnerfeqarput.

Imm. 3. Annikilliaartuaartitsineq, annikillisitsiaartuaarinermut assigiinngisitaartumik procentiliussanik atuinikkut pisassaaq. Naatsorsuinerit tunngaviusumi ilaatinneqartut annikillisitsiaartuaarinermut procentiliussat, imaapput:

- 1) meeqqami ataatsimi 8,0 pct.,
- 2) meeqqani marlunni 12,7 pct.,
- 3) meeqqani pingasuni 15,1 pct.
- 4) meeqqani sisamani 17,7 pct.
- 5) meeqqani tallimani 19,0 pct., aamma
- 6) meeqqani arfinilinni amerlanerusunilluunniit 20,2 pct.

Imm. 4. Meeqqanut tapiissutit ima naatsorsorneqartassapput; aningaasarsianut tunngaviusoq, annikillisitsiaartuaarinermut procentiliussamik gangigaq, meeqqanut

tapiissutitut annerpaaffigitinneqartumiit minuserneqassalluni. Imm. 2 naapertorlugu, aningaasarsianik apeqqutaatitsiviusoq ‘tapiissutitut ilanngaavigineqannginnissamut aningaasat annertussusaat’ (‘friholdelsesbeløb’), maannakkorpiaq aningaasarsianiit minuserlugu, isertitanut tunngaviusoq annertussusilerneqartassaaq.

Imm. 5. Imm. 1-i malillugu meeqqanut tapiissutaasutut tunniunneqartartoq, imaluunniit isertitanut tunngaviusoq minusimiissinnaanngillat.

Imm. 6. Imm. 1-imi aamma imm. 2-mi aningaasat annertussusaat, akigititamut naleqqussaataasooq procenti (procenti aaqqiissutaasooq; nutsigatoqaq) pillugu aamma maannakkorpiaq aningaasarsiat pillugit Inatsisartut inatsisaanni § 3 naapertorlugu, ukiumi aningaasanut inatsiseqarfiusumi pineqartumi akigititamut naleqqussaataasumik procentimik (procentimik aaqqiissutaasumik; nutsigatoqaq) ukiumoortumik naleqqussarneqartassapput.”

§ 2

Ilinniagaqarnersiutit pillugit Inatsisartut inatsisaanni nr. 12, 22. november 2011-meersumi, Inatsisartut inatsisaannik nr. 16, 6. juni 2016-meersumik allanngortinneqartumi, tulliuuttut allannguutigigitinneqarput:

1. § 14, imm. 1 ima allanneqarpoq:

”Ilinniagaqarnersiutit ilinniagaqarnersiutut (stipendium-itut, tassa ilinniagaqarnerup nalaani pisortanit inuussutissaqartitaanertut), immikkut aningaasaliissutitut, sulisitsisunut akissarsianut tapiissutitut aamma ilinniarnermi taarsigassarsiatut tunniunneqarsinnaapput, taamaattoq tak. imm. 2. Ingerlaqqiffiusumik ilinniagaqartunut ilinniagaqarnersiutit, qiortartakkanut periuseq malillugu piffissap killilikkap iluani tunniunneqartassapput.”

2. § 14, imm. 1-ip kingorna, nutaatut imm. 2 ikkunneqarpoq:

”Tamatumani saniatigut:

- 1) ilinniartuusoq Kalaallit Nunaata avataani tapiiffigineqarsinnaatitaasumik ilinniaruni, imaluunniit
- 2) Kalaallit Nunaannut sunniuteqartunik, nunani tamalaani isumaqatigiissutit naapertorlugit, ilinniagaqarnersiuteqarsinnaatitaanermut naleqqiullugu, qallunaat nunaanni innuttaasunut sanillersuunneqartunut, ilinniarnersiuteqarneq meeqqanut tapitut, ilinniagaqartumut tunniunneqarsinnaavoq.”

Imm. 2-miit 5-imut tamatumani kingorna imm. 3-miit 6-inngussapput.

§ 3

Inatsisartut inatsisaannik nr. 24, 7. december 2015-meersumik, Inatsisartut inatsisaannik nr. 6, 2. juni 2017-meersumik, Inatsisartut inatsisaannik nr. 35, 28. november 2019-meersumik, Inatsisartut inatsisaannik nr. 7, 19. november 2021-meersumik aamma Inatsisartut

inatsisaannik nr. 9, 20. juni-meersumik allanngortinneqartumi, utoqqalinersiaqarneq pillugu Inatsisartut inatsisaanni nr. 20, 23. november 2015-meersumi, tulliuttut allannguutigittinneqarput:

1. § 14 sioqqullugu qulequtaq atorunnaarsinneqarpoq.

2. §§ 14 aamma 15 atorunnaarsinneqarput.

§ 4

Inatsisartut inatsisaannik nr. 19, 28. november 2016-imeersumik, Inatsisartut inatsisaannik nr. 40, 23. november 2017-imeersumik, Inatsisartut inatsisaannik nr. 6, 27. november 2018-imeersumik, Inatsisartut inatsisaannik nr. 28, 28. november 2019-imeersumik, Inatsisartut inatsisaannik nr. 6, 19. november 2020-imeersumik, Inatsisartut inatsisaannik nr. 7, 19. november 2021-meersumik aamma Inatsisartut inatsisaannik nr. 9, 20. juni 2022-meersumik allanngortinneqartumi, siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi, tulliuttut allannguutigittinneqarput:

1. § 26 sioqqullugu qulequtaq atorunnaarsinneqarpoq.

2. §§ 26-28 atorunnaarsinneqarput.

§ 5

Ilinniartunut tapiisarneq pillugu Inatsisartut inatsisaat nr. 45, 23. november 2017-imeersumi, tulliuttut allannguutigittinneqarput:

1. § 6 ima allanneqarpoq:

”§ 6. Ilinniartunut tapersiissutit, ilinniarnermi tapiissutit aamma akiliunneqarluni angalanertut, tunniunneqarsinnaapput.

Imm. 2. Nerisaqarnermut tapit, akiliunneqarluni ineqarnermut aningaasanik ilanngaassisarneq aammalu akiliunneqarluni angalanissamut piumasaqaatit, pillugit maleruagassat sukumiinerusut pillugit Naalakkersuisut aalajangersaasinnaapput.”

§ 6

Manna Inatsisartut inatsisaat ulloq 1. juli. 2023-imi atuutilersinneqassaaq.

Naalakkersuisut Siulittaasuat